



國家清史編纂委員會・文獻叢刊

三編

清代稿鈔本

第一〇九冊



國家清史編纂委員會·文獻叢刊

三編

清代稿鈔本

第一〇九冊

廣東省立中山圖書館
中山大學圖書館

編

主編 桑兵
副主編 李昭醇

程煥文
劉洪輝

廣東省出版集團
廣東人民出版社
·廣州·

第一〇九冊目錄

陳氏家譜.....一

喪制便覽.....二五九

詩經注.....三八五

陳氏家譜

九卷首一卷

陳澧
增修

鈔本

陳氏家譜

家譜
咸豐元年六月修成

陳氏家譜目錄

卷首

誥敕

卷一 譜一

卷二 譜二

卷三 譜三

卷四 傳記一

卷五 傳記二

卷六 遺書錄

卷七 墓圖

卷八 祭田記

卷九 舊譜序跋

澧謹案昔我高祖繼先府君以世系散帙

筆而譜之見丁氏家乘序所為閱七八十年我

先考翼廷府君叔考紱廷府君續之今又

四十餘年矣澧敬謹增修為九卷凡舊譜之

文一字不敢刪改今有所考有所補則為紫

語隨條附記卷之釐析圖之移置亦必謹識

之家藏舊譜無墓圖澧前在金陵觀再從叔

父方來所藏家乘有墓圖一卷今依例增墓

圖一卷其卷首敬錄

誥勅及附遺書錄祭田記則今所創增也增修已
竟彙存舊譜序跋於後不敢失墜也其新修
義例詳於每卷各條案語使後之增修者有
所遵循也

咸豐元年六月

日澧謹記

陳氏家譜卷首

誥勅

禮案人無貴賤凡食毛踐土皆受

國恩至於仰荷

絲綸彌為榮幸吾家 先世

誥命敬謹尊藏今恭錄於家譜之首俾後人時得伏
而讀之敬念士食舊德之義焉

奉

天承運

皇帝制曰考績報循良之最用獎臣勞推恩溯積累

之遺載揚祖澤爾陳治平迺捐職布政司經歷加
二級陳大綸之祖父錫光有慶樹德務滋嗣清白
之芳聲澤留再世衍弓裘之令緒祐篤一堂茲以
爾孫克襄王事貤贈爾為奉直大夫錫之誥命於
戲聿修念祖膺茂典而益勵新猷有穀貽孫發幽
光而不彰潛德

制曰冊府酬庸聿著人臣之懋績德門輯慶式昭大

母之芳徽爾

韓氏

迺捐職布政司經歷加二級陳

大綸之祖母歲誠揚芬瓊璜表德職勤內助宜家
久著其賢聲澤裕後昆錫類式承乎嘉命茲以爾

孫克襄王事貤贈爾為宜人於戲播徽音於彤管
壺範彌光膺異數於紫泥天庥允劭

嘉慶貳拾伍年拾貳月拾壹日

奉

天
承運

皇帝制曰求治在親民之吏端重循良教忠勵資敬
之忱聿隆褒獎爾陳寶乃候選知縣加三級陳立
本之父禔躬淳厚垂訓端嚴業可開先式穀乃宣
猷之本澤堪啟後詒謀裕作牧之方茲以爾子克
襄王事封爾為奉直大夫錫之誥命於戲克承清

白之風嘉茲報政用慰顯揚之志畀以殊榮

制曰朝廷重民社之司功推循吏臣子凜冰淵之操
教本慈幃爾沈氏乃候選知縣加三級陳立本之
母淑慎其儀柔嘉維則宣訓詞於朝夕不忘育子
之勤集慶澤於門閭式被自天之寵茲以爾子克
襄王事封爾為宜人於戲仰酬顧復之恩勉思撫
字載煥絲綸之色用慰劬勞

嘉慶八年十二月十一日

奉

天
承運

皇帝制曰資父事君臣子篤匪躬之誼作忠以孝國家宏錫類之恩爾陳士奇迺捐職布政司經歷加二級陳大綸之父善積於身祥開厥後教子著義方之訓傳家裕堂構之遺茲以爾子克襄王事贈爾為奉直大夫錫之誥命於戲殊榮必逮於所親寵命用光夫有子欽茲優渥長茫忠勤

制曰奉職在公嘉教勞之有自推恩將母宜錫典之攸隆爾沈氏迺捐職布政司經歷加二級陳大綸之母壺範宜家夙協承筐之敬母儀貽穀載昭畫荻之芳茲以爾子克襄王事贈爾為宜人於戲彰

淑德於不瑕式榮象服膺寵命之有赫允賁泉壚
嘉慶貳拾伍年拾貳月拾壹日

奉

天承運

皇帝制曰分符百里必遴出宰之材報最三年爰重
懋官之典爾候選知縣加三級陳立本雅擅才能
克宣慈惠撫綏有要常深疾痛在己之心懷保無
窮不忘顧復斯民之責茲以爾克襄王事授爾為
奉直大夫錫之誥命於戲前勞已茂用褒製錦之
能來軫方道益勵飲冰之操

制曰良臣宣力於外効厥勤勞賢媛襄職於中膺茲
寵錫爾候選知縣加三級陳立本之妻劉氏終溫
且惠既靜而專綦縞從夫克襄素絲之節蘋蘩主
饋爰流彤管之輝茲以爾夫克襄王事封爾為宜
人於戲敬爾有官著肅雍而並美職思其內尚黽
勉以同心

嘉慶八年十二月十一日

奉

天承運

皇帝制曰錫類推恩朝廷之大典奉公効職臣子之

常經爾捐職布政司經歷加二級陳大綸賦質純
良持身恪謹既服官而奏績行報國以抒誠襄事
維勤新綸宜賁茲以爾克襄王事授爾為奉直大
夫錫之誥命於戲宏敷章服之榮用勵靖共之誼
欽茲寵命懋乃嘉猷

制曰恪共奉職良臣既殫厥心貞順宜家淑女爰從
其貴爾捐職布政司經歷加二級陳大綸之妻趙
氏含章協德令儀夙著於閨闈黽勉同心內治相
成於夙夜茲以爾夫克襄王事贈爾為宜人於戲
龍章載煥用褒敬戒之勤翟第欽承允荷泉原之